

本草衍義

影印古本醫學叢書之四
上海中醫書局發行

R287.3

21-2

中華民國十九年九月

影印古本本草衍義

全書二冊定價一元二角

版權

著作 者 寇 宗 奭

所有

印刷 者 上海中醫書局

禁止

發行 者 上海中醫書局

翻印

代售 者 台灣蘭記書局

附告 本書釘二冊定價一元二角本局所印書目提要及第四期書目等均刊一冊定價六角係手民所誤特此聲明

本局徵求醫稿啓事

本局爲集中中醫書籍宣傳中醫文化起見除將以前徵集審定各稿陸續付印外想海內不乏名醫偉著爰特再廣徵求藉資流傳惟投稿者須注意下列各點（一）不論前人近人著作以關於醫學範圍者爲限（二）須有系統而富研究性者（三）抄襲者請勿寄（四）如大部巨著只須將大意及叙目並首卷寄下（五）審定采取者酬勞分原書及本局書券二種（六）來稿須掛號（七）來稿經本局編輯部審查後方行函覆（八）來件須註明本局編輯部收字樣

本草衍義卷之十一

大黃損益前書已具仲景治心氣不足吐衄無痛治湯用大黃黃芩黃連或曰心氣既不健矣而用大黃補心湯更用瀉心湯何也答曰若心氣獨不足則不當須吐衄也此乃邪熱因不足而客之故吐衄以苦泄其熱就以苦補其心蓋兩全之有是證者用之無不効量虛實用藥

桔梗治肺熱氣奔促嗽逆肺癰排膿陶隱居云俗方用此乃名薺芑今別有薺芑所謂亂人參者便是非此桔梗也唐本注云陶引薺芑亂人參謬矣今詳之非也隱居所言其意止以根言之所以言亂人參唐本注却以苗難之乃本注誤矣

本草綱目卷一
甘遂今惟用連珠者然經中不言此藥專於行水攻決
爲用入藥須斟酌

葶藶用子子之味有甜苦兩等其形則一也經旣言味
辛苦卽甜者不復更入藥也大槩治體皆以行水走泄
爲用故曰久服令人虛蓋取苦泄之義其理甚明藥性
論所說盡矣但不當言味酸

蕤花今京洛間甚多張仲景傷寒論以蕤花治利者以
其行水也水去則利止其意如此然今人用時當以意
斟酌不可使過與不及也仍須是有是證者方可用

旋復花葉如大菊又如艾蒿八九月有花大如梧桐子
花淡黃綠繁茂圓而覆下亦一異也其香過於菊行痰
水去頭目風其味甘苦辛亦走散之藥也其旋花四月

五月有花別一種非此花也第八卷已具

藜蘆爲末細調治馬疥痒

烏頭**烏喙****天雄****附子****側子**凡五等皆一物也止以大小長短似像而名之後世補虛寒則須用附子仍取其端平而圓大及半兩以上者其力全不僭風家卽多用天雄亦取其大者以其尖角多熱性不肯就下故取敷散也此用烏頭附子之大略如此餘三等則量其材而用之其炮製之法經方已著

射干此乃荀子所說西方之木名曰射干者也注復引本草曰不合以射干爲木殊不知五行止以水火木金土而言之故儒者以草木皆木也金鉛皆金也糞土皆土也灰火皆火也水池皆水也由是言之卽非佛經所

說火宅喻之獸及阮公所云臨層城者之木況本經亦曰一名草薑故知是草無疑今治肺氣喉痺爲佳日華子曰大小似高良薑赤黃色此得之

半夏今人惟知去痰不言益脾蓋能分水故也脾惡濕濕則濡而困困則不能制水經曰濕勝則瀉一男子夜數如廁或教以生薑一兩碎之半夏湯洗與大棗各三十枚水一升瓷瓶中慢火燒爲熟水時時呷數日便已

蜀漆常山苗也治瘧多吐人其他亦未見所長此草也慮歲久人或別有異論故預云餘如經

常山蜀漆根也亦治瘧吐痰如雞骨者佳

青箱子經中並不言治眼藥性論始言之能治肝臟熱毒衝眼赤障青盲蕭炳可云理眼日華子云益腦髓明

耳目鎮肝今人多用之治眼殊不與經意相當

白蒿及古今服餌方少有用者多見於歛瘡方中二物多相須而行

草蒿今青蒿也在處有之得春最早人剔以爲蔬根赤葉香今人謂之青蒿亦有所別也但一類之中又取其青者陝西綏銀之間有青蒿在蒿叢之間時有一兩窠迥然青色土人謂之爲香蒿莖葉與常蒿一同但常蒿色淡青此蒿色深青猶青故氣芬芳恐古人所用以深青者爲勝不然諸蒿何嘗不青

光緒三年歲在強圉赤奮若吳興陸氏十萬卷樓重雕

陸心源校

本草衍義卷之十一終

本草衍義卷之十二

連翹亦不至翹出眾草下濕地亦無太山山谷間甚多
今止用其子折之其間片片相比如翹應以此得名爾
治心經客熱最勝尤宜小兒

白頭翁生河南洛陽界及新安土山中性溫止腹痛暖
腰膝唐本注及藥性論甚詳陶隱居失於不審宜其排
叱也新安縣界兼山野中屢嘗見之正如唐本注所說
至今本處山人賣白頭翁丸言服之壽考又失古人
命名之意

蘭茹治疥馬疥尤善服食方用者至少

羊蹄經不言根圖經加根字處處有葉如菜中菠薐但
無歧而色差青白葉厚花與子亦相似葉可潔擦礪浦

器根取汁塗疥癬子謂之金喬麥燒煉家用以制鉛汞
又剉根研絞汁取三二匙水半盞煎一二沸溫溫空肚
服治產後風秘殊驗

葫蘆與陸英旣性味及出產處不同治療又別自是二
物斷無疑焉况葫蘆花白子初青如菉豆顆每朵如盞
面大又平生有一二百子十月方熟紅豈得言剩出此
條孟浪之甚也

夏枯草今又謂之鬱臭自秋便生經冬不瘁春開白花
中夏結子遂枯古方丸燒灰合緊面藥初生嫩時作菜
食之須浸洗淘去苦水治瘰癧鼠滿

蚤休無旁枝止一莖挺生高尺餘顛有四五葉葉有歧
似虎杖中心又起莖亦如是生葉惟根入藥用

虎杖根微苦經不言味此草藥也蜀本圖經言作木高丈餘此全非虎杖大率皆似寒菊然花葉莖藥差大爲異仍莖葉有淡黑斑自六七月旋旋開花至九月中方已花片四出其色如桃花差大外微深陝西山麓水次甚多今天下暑月多煎根汁爲飲不得甘草則不堪飲藥性論云和甘草煎嘗之甘美其味甘卽是甘草之味非虎杖也論其攻治則甚當

馬勃此唐韓退之所謂牛溲馬勃俱收並蓄者也有大如斗者小亦如升杓去膜以蜜揉拌少以水調呷治喉閉咽痛

毗薹今田野道傍處處有之附地生葉如覆盆子但光潔而小微有縐紋花黃比蒺藜花差大春末夏初結紅

本草綱目卷十二
子如荔枝色餘如經

苳根如葶麻花如白楊而長成穗生每一朵凡數十穗
青白色

菰根蒲類四時取根搗絞汁用河朔邊人止以此苗飼
馬曰菰蔣及作薦花如葦結青子細若青麻黃長幾寸
彼人收之合粟爲粥食之甚濟饑此杜甫所謂願作冷
秋菰者是也爲其皆生水中及岸際多食亦令人利

藎草爾雅曰藎音猶蔓子左傳亦曰一薰一藎十年尚猶

有臭者是此草

牽牛子諸家之說紛紛不一陶隱居尤甚言花狀如藕
豆殊不相當花朵如鼓子花但碧色日出開日西合今
注又謂其中子類蕎麥亦非也蓋直如木猴梨子但黑

色可微炒搗末其中粉一兩別以麴炒去皮尖者桃仁末半兩以熟地和丸如梧桐子溫水服三二十丸治大腸風秘壅熱便澀不可久服亦行脾腎氣故也

蓖麻子作朶生從下旋旋開花而上從下結子宛如牛身之蟬取子炒熟去皮爛嚼臨睡服三二枚漸加至十數枚治癰瘰必效

崔草葛勒蔓也治傷寒汗後虛熱剉研取生汁飲二合愈
獨行根苗蔓生子則馬筩零也根扁其嗅稍似葛根細搗水調傳丁腫後有馬筩零條

芭蕉三年已上卽有花自心中出一莖止一花全如蓮花葉亦相似但其色微黃綠從下脫葉花心但向上生常如蓮樣然未嘗見其花心剖而視之亦無藥悉是葉

但花頭常下垂每一朵自中夏開直至中秋後方盡凡三葉開則三葉脫落北地惜其種人故少用縷其苗爲布取汁婦人塗髮令黑餘說如經

蒲公草今地丁也四時常有花花罷飛絮絮中有子落處卽生所以庭院間亦有者蓋因風而來也

水紅子不以多少微炒一半餘一半生用同爲末好酒調二錢日三服食後夜臥各一服治燥癰瘡破者亦治水今大率與水紅相似但枝低爾今造酒取以水浸汁和麵作麴亦假其辛味

角蒿莖葉如青蒿開淡紅紫花花大約徑三四分花罷結角子長二寸許微彎苗與角治口齒絕勝

雀麥今謂之鷲麥其苗與麥同但穗細長而疎唐劉夢

得所謂菟葵薺麥動搖春風者也

骨碎補苗不似薑薑苗如葦梢此物苗每一大葉兩邊小葉槎牙兩兩相對葉長有尖瓣餘如經

馬兜零蔓生附木而上葉脫時零尙垂之其狀如馬項鈴故得名然熟時則自折折間有子全者採時須八九月間治肺氣喘急

燈心草陝西亦有蒸熟乾則拆取中心穰然燈者是謂之熟草又有不蒸但生乾剥取者爲生草入藥富甬生草**威靈仙**治腸風根性快多服疏人五臟真氣

何首烏兼黑髭鬚與蘿蔔相惡令人髭鬚早白治腸風熱多用

五倍子今染家亦用口瘡以末摻之便可飲食

金櫻子經九月十月熟時採不爾復令人利

萱草根洗淨研汁一盞生薑汁半盞相和時時細啣治
大熱衄血

葫蘆巴本經云得懷香子桃仁治膀胱氣甚效嘗合惟
桃仁麯炒各等分半以酒糊丸半爲散每服五七十丸
空心食前鹽酒下散以熟米飲調下與丸子相間空心
服日各一二服

金生草丹石毒發於背及一切癰腫每以根葉一分用
酒一大盞煎汁服不惟下所服石藥兼毒去瘡愈如不
欲酒將末一二錢新汲水調服以知爲度

木賊細剉微微炒搗爲末沸湯點二錢食前服治小腸
膀胱氣緩緩服必效

本草衍義卷十二終